

Anak Malaysia.

Kitalah anak Malaysia
Zuriat pemimpin masa mendatang
Bakal menyambung segala tugas
Bakal meneruskan segala tanggungjawab
Bakal menyemarakkan api semangat perjuangan
Generasi nenek moyang kita
Yang belum sepenuhnya sempurna.

Kitalah yang bakal mengisi
Segala ruang yang kini
Masih banyak yang lompang
Kitalah yang bakal melangsungkan
Segala kerja yang belum sempat
Dilaksanakan mereka
Tak mungkin kita dapat melepaskan diri
Daripada beban tanggungjawab ini.

Bersatulah kita semua
Serentak bergerak ke depan
Mengerah segenap tenaga
Memerah segenap minda
Membina nusa tercinta
Mencapai wawasan perdana.

Ke mana-mana pun kita pergi
Di mana-mana pun kita berada
Sentiasalah berasa kita ini anak Malaysia
Katakanlah dengan bangganya
Aku anak Malaysia.

Aladin Mohamad
Rim 8 Jasin
Melaka